

Ժողովուրդ

23 փետրվարի ուրբաթ 2024
տպագրության ԺԳ տարին

24
(2874)


Ի. Երեւան, Արուսյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՆՈՒԱՐԳ ՎԱՐԳԱՆՅԱՆԻ ՀԱՅՏԱՐԱՐԱԳԻՐՈՒՄ ԿԵՂԾԻՔ ԿԱ



Բ.2.1. Տվյալ տարվա սկզբում ակտի տրանսպորտի միջոց

Մակնիշը, սերիան	Քողարկման տարին	Նույնականացման համարը	Տրանսպորտի միջոցը ձեռք բերելու օրը, ամիսը, տարին
FORD Պաշտպանված	2018	Պաշտպանված	21/01/2022

Բ.2.2. Տվյալ տարվա ընթացքում տարած տրանսպորտի միջոց

Մակնիշը, սերիան	Քողարկման տարին	Նույնականացման համարը	Տրանսպորտի միջոցի օտարման օրը, ամիսը, տարին	Տրանսպորտի միջոցի օտարման փերիսպրի և արժույթը
FORD Պաշտպանված	2019	Պաշտպանված	18/06/2022	Կախարդող \$ 13,000

Բ.2.1. Տվյալ տարվա սկզբում ակտի տրանսպորտի միջոց

Տվյալ տարվա սկզբում ակտի տրանսպորտի միջոցի մակնիշը, սերիան	Քողարկման տարին	Նույնականացման համարը	Տրանսպորտի միջոցը ձեռք բերելու օրը, ամիսը, տարին	Տրանսպորտի միջոցի օտարման օրը, ամիսը, տարին	Տրանսպորտի միջոցի օտարման արժույթը կամ փերիսպրի հարկը
Ապրիլ 2022 Վերականգնված տրանսպորտի միջոց	FORD Պաշտպանված	2018	Պաշտպանված	21/01/2022	Ոչ

Բ.2.2. Տվյալ տարվա ընթացքում տարած տրանսպորտի միջոց

Տվյալ տարվա սկզբում ակտի տրանսպորտի միջոցի մակնիշը, սերիան	Քողարկման տարին	Նույնականացման համարը	Տրանսպորտի միջոցը ձեռք բերելու օրը, ամիսը, տարին	Տրանսպորտի միջոցի օտարման օրը, ամիսը, տարին	Տրանսպորտի միջոցի օտարման արժույթը կամ փերիսպրի հարկը
FORD Պաշտպանված	2019	Պաշտպանված	18/06/2022	Ոչ	\$ 13,000

Ուսումնասիրելով պաշտոնատար անձանց հայտարարագրերը՝ հաճախ ենք առնչվում անճշտությունների, կոռուպցիոն ռիսկեր պարունակող տվյալների, ինչպիսիք են, օրինակ, միլիոնավոր կանխիկ դրամական միջոցները, որոնց աղբյուրները Նշված չեն, մեկ օրում մի քանի տոն գնելու փաստերը և այլն: Այս անգամ թիրախում է Երեւանի ավագանու իշխող խմբակցության անդամ Նուարդ Վարդանյանը, որը Ford մակնիշի ավտոմեքենայի առուվաճառքի մեջ է: «Քաղաքացիական պայմանագիր» խմբակցության ավագանի Վարդանյանի հայտարարագրերը առաջացնում են հարցեր, բայց ոչ Կոռուպցիայի կանխարգելման հանձնաժողովի մոտ: Այսպես, Վարդանյանը 2021թ. հայտարարագրում Նշում է, որ 2022 թվականին ձեռք է բերել 2018 թվականի արտադրության Ford մակնիշի մեքենա, ինչը գուշակության ոլորտից է: Նույն 2021թ. հայտարարագրի համաձայն՝ Վարդանյանը Տիգրան Ավինյանի եղբայր Դավիթ Ավինյանից ձեռք է բերել եւս մեկ Ford՝ 2018 թվականի արտադրության, եւ տարվա վերջի դրությամբ հայտարարագրել է 2 Ford մակնիշի մեքենա: 2022թ. սկզբում ոչ միայն «անհետանում է» Ford-երից մեկը, այլեւ վաճառքից առաջ փոխվում է մյուս Ford-ի տարեթիվը՝ 2018 թվականի արտադրությունը դառնում է մեկ տարով նոր՝ 2019 թվականի արտադրության: Հետաքրքիր գուզադիպությամբ ԶԳ-ականների գրեթե բոլոր ձեռքբերումները (բնակարան, ավտոմեքենա, հագուստ, այլ) արձանագրվել են 2018թ. իշխանավորությունից հետո: Ստացվում է, որ Նուարդ Վարդանյանը իրեն պատկանող Ford մակնիշի մեքենան, որը ձեռք է բերել 2018 թվականին 4 մլ դրամով՝ գրեթե 10 հազար ԱՄՆ դոլար, 2022 թվականին վաճառել է 13 հազար ԱՄՆ դոլարով որպես 2019 թվականի արտադրության մեքենա: Ըստ հայտարարագրի՝ Վարդանյանը 3 հազար ԱՄՆ դոլարի օգուտ է ստացել եւ փոխել մեքենայի արտադրման տարեթիվը: «Ժողովուրդ» օրաթերթը կապվեց ԶԳ խմբակցության ավագանու անդամ Նուարդ Վարդանյանի հետ՝ հասկանալու համար ինչպես է այդպես ստացվել: «Անդհանրապես էդ հայտարարագիրը ուղքից գլուխ ամբողջը սխալ է: Ես իրենց (Կոռուպցիայի կանխարգելման հանձնաժողով) նամակով էլ եմ դիմել, որ ուղղեն: Իրենք չեն ուղղել, եւ դա իմ սխալմունքը չէ: Ինչուրեւ եմ, իրենց հետ կապվեց, որովհետեւ մի տունն էլ, որ ունեմ Կենտրոն վարչական շրջանում, երեք անգամ նույն բանը Նշված է: Դիմել եմ իրենց, ասացին՝ Ձեզ կող կուղարկենք, համակարգի սխալ է եղել, Դուք կուղղեք: Այդ կողմ մինչեւ հիմա չեն ուղարկել: Ես չեմ կարող իրենց փոխարեն պատասխանել»: Ինչպես միշտ, բոլորը մեղավոր են, բացի ԶԳ-ականներից:

Նիկոլ Փաշինյանը առաջիկայում փակ հանդիպում է նախատեսում ունենալ ԶԳ խմբակցության պատգամավորների հետ: Փաշինյանը օրենսդիր իր թիմակիցներին ներկայացնելու է միջազգային վերջին այցերի՝ մյունխենյան բանակցությունների եւ Փարիզում ունեցած հանդիպումների արդյունքները: Ինչպես մեզ ԶԳ-ից հայտնեցին, միջազգային կարեւոր այցերից հետո սովորաբար հանդիպում են Նիկոլ Փաշինյանի հետ՝ ամփոփելու արդյունքները: Այս անգամ էլ բացառություն չի լինի: ԶԳ-ականները հատկապես սպասում են Մյունխենում կայացած Հայաստանի եւ Ադրբեջանի ղեկավարների հանդիպման արդյունքներին, քանի որ մեծ սպասումներ ունեն դրանից: Իշխանականները նաեւ մեզ հայտնեցին, որ հանդիպման օրը դեռ հստակեցված չէ. կախված է վարչապետի գրաֆիկից. սպասում են:

Արցախի նախագահ Սամվել Շահրամանյանի եւ կրկին շրջապատի նկատմամբ սկսված իշխանական արշավն իր արմատներն ունի: «Ժողովուրդ» օրաթերթը իր լավատեղյակ աղբյուրներից պարզեց, որ 2023 թվականի աշխատանքային վերջին օրերին Սամվել Շահրամանյանը Նիկոլ Փաշինյանին է ուղարկել Արցախի Հանրապետության լուծարման փաստաթուղթը չեղարկելու որոշումը՝ այդպիսով հայտարարելով, որ Արցախի Հանրապետությունը դե յուրե գոյություն ունի: Լուրի հավաստիությունը ճշտելու համար փորձեցինք կապ հաստատել նաեւ վարչապետի մամուլի քարտուղար Նուգեյրի Բաղդասարյանի հետ, սակայն վերջինս Նիկոլ Փաշինյանի հետ Փարիզ գործուղումների էր, զանգերին չպատասխանեց: Բնականաբար, Սամվել Շահրամանյանի կայացրած որոշումը եւ դրա ուղարկելու քայլը վրդովեցրել է Նիկոլ Փաշինյանին եւ կրկին արցախառայն թիմակիցներին: Նրանք համարում են, որ Արցախը Ադրբեջանի մաս ճանաչելով եւ հանձնելով՝ կարող են փրկել Հայաստանի Հանրապետության 29.800 քառակուսի կիլոմետր տարածքը, սակայն դա էլ չի հաջողվում: Ավելին՝ Ադրբեջանի նախագահ Իլհամ Ալիևը շարունակում է տարածքային նոր պահանջներ ներկայացնել Հայաստանի նկատմամբ՝ 8 գյուղեր, անկլավային այլ տարածքներ, ինչպես նաեւ 2021թ.-ից օկուպացված է պահում Մյունիքի ու Գեղարքունիքի հատվածներից Հայաստանի մոտ 127 քառակուսի կիլոմետր տարածք: Այսինքն՝ Արցախը գոհաբերելով Հայաստանը ոչինչ չի շահել, այլ կորցրել է: Ապագայում սպասվելիք դժվարությունները, հարձակումներն ու ագրեսիաները որեւէ կողմի վրա բարդելու համար (որեւէ կերպ չի դիտարկվում Ադրբեջանը) Նիկոլ Փաշինյանը նոր մեղավորներ է փնտրում եւ, ահա, գտել է Արցախի ղեկավարությունն է Հայաստանում: Հրահանգված է Արցախի նախագահի շուրջ ինտերվյուները սեղմել օղակը, եւ առաջիկայում տարբեր թիրախավորումների ականատես կլինենք:



Արդեն մի քանի օր է, ինչ ԶԳ խմբակցության պատգամավոր Արսեն Թորոսյանը հրապարակային կասկածի տակ է դնում ՀՀ իրավապահ մարմինների՝ Հակակոռուպցիոն կոմիտեի, Գլխավոր դատախազության գործունեության պրոֆեսիոնալիզմն ու օբյեկտիվությունը՝ Նշելով գոհերի մասին, ասելով, թե վիճակների որս չպետք է լինի: Ավելին՝ երեկ հայտարարել է. «Քանի որ մամուլը վերջին օրերին բազմաթիվ անգամներ անդրադարձավ Հակակոռուպցիոն կոմիտեի կողմից հարուցված եւ դատախազության կողմից հաստատված հերթական անսիման քրեական գործին, որը վերաբերում է 44-օրյա պատերազմից հետո ձեռք բերված 2-րդ ԴՆԹ սեկվենսատորին, որի շնորհիվ կրկնակի արագությամբ նույնականացվել են մեր գոհերի մարմինները կամ մասունքները, ես մոտ օրերս շատ հանգամանակից կանդիդատներս դրան»:

Ինչո՞ւ են լռում իրավապահ մարմինները, երբ ԶԳ-ական պատգամավորը «ցեխ է շարտում» նրանց կատարած գործունեության վրա: Միգուցե ԶԳ-ական Արսեն Թորոսյանի այս համարձակ ու հրապարակային ելույթները ավելի խորը արմատներ ունեն: Մասնավորապես, իրավապահ համակարգը անզոր գտնվեց ու մինչ օրս ՀՀ առողջապահության նախկին նախարար, ԱԺ «Քաղաքացիական պայմանագիր» խմբակցության պատգամավոր Արսեն Թորոսյանին պատասխանատվության չի կարողանում կանչել Covid-19-ի շրջանում փողերի լվացման գործով, ու այն մինչ օրս դոփում է տեղում, ինչն էլ Թորոսյանին հիմք է տալիս գնահատական տալ ուժայինների գործունեությանը: Ինչքան, «Ժողովուրդ» օրաթերթը, ԶԳ-ական պատգամավորի կողմից Գլխավոր դատախազության հարուցած գործը անսիման համարելու հայտարարության հետ կապված, Գլխավոր դատախազության մեկնաբանությունն խնդրեց, ինչին ի պատասխան՝ հայտնեցին, որ դատախազությունը չի մեկնաբանում:



ԶՐՈՒՅՑ

«ՊԵՏՔ Է ՄԿՍՎԻ ԱՊԱՇԽԱՐՈՒԹՅԱՆ ՃԱՆԱՊԱՐՎԸ»

«Հայ ազգային ճակատ» կազմակերպությունը փետրվարի 23-ին Մայր Աթոռ Սուրբ Էջմիածնի Մայրավանքի մուտքի մոտ մեկնարկեց...



Պարոն Գետրոյան, մենք տեղեկացանք, որ վաղվա հանրահավաքին, ի աջակցություն հայ եկեղեցու, Ղուբ եւս հավաքվելու եք...

Գիտեք, ընդհանրապես Եկեղեցին պետք է դիտարկել ոչ միայն վերացական հավատի ինչ-որ մի կենտրոն...

Ես կոչ եմ անում մեր բոլոր հայրենակիցներին, որ եթե մենք քրիստոնյա ենք, պետք է հասկանանք...

Իսկ վաղը ի՞նչ քայլեր եք ձեռնարկելու Էջմիածնում:

Մենք Մայր Աթոռի բակում, որտեղ երկու մարմարե բարձր խաչքարեր են, հավաքվելու ենք...

հայրենակիցներին, որ նույնպես շարունակենք մեր նվիրումը մեր Եկեղեցուն, լինենք նրա կողքին...

Զրույցք ԲՐԻՄՏԻՆԱ ՍՈՒՇԵՂՅԱՆԸ

ԿԱՐԾԻՔ

«ՄԵՆՔ ԶԿԱՐՈՂԱՑԱՆՔ ՕԳՏՎԵԼ»

«Ամբողջական ինքնիշխանության հասնելու կարգախոսների ներքո մենք ամբողջովին կորցնում ենք այն...

Նրա խոսքով՝ ամբողջական ինքնիշխանության հայեցակարգն աշխարհում ոչ մի տեղ գոյություն չունի...

թյուն, բացի Ադրբեյջանից եւ Թուրքիայից, որոնք 1996թ. Լիսաբոնի գագաթնաժողովից...

Օսկանյանը Մադրիդյան սկզբունքներն անվանել է դիվանագիտական գլուխգործոց՝ հատկապես ներկա համատեքստում:

Նախկին նախարարը վստահեցրել է, որ Լեռնային Ղարաբաղը որքան եղել է բանակցային գործընթացում...

«Լեռնային Ղարաբաղի մասնակցությունը կարգավիճակի քննարկման փուլում չի եղել, այլ եղել է միայն հակամարտության հետեւանքների վերացման փաստաթղթում»,- ընդգծել է Լա:

Օսկանյանը տարակուսանք հայտնեց, որ այսօր օրակարգում է Հայաստանի տարածքով Ադրբեյջանին ճանապարհ կամ միջանցք տրամադրելու հարցը...

Հայաստանի արտգործնախարարության նախկին ղեկավարը կոչ արեց գոնե նվազագույն դիմադրություն ցույց տալ եւ չհամաձայնել կատարել Բաքվի յուրաքանչյուր պահանջը:

Բ. ՍՈՒՇԵՂՅԱՆ

ԳԵՌ ՀԱՎԱՏՈՒՄ Է

ԱՄՆ պետքարտուղար Էնթոնի Բլինքենը համարում է, որ Հայաստանի եւ Ադրբեյջանի միջեւ խաղաղությունը մոտ է, եւ երկու երկրների ղեկավարներին...

«Նա ղեռ հավատում է, որ խաղաղությունը մոտ է, եւ նա դա քննարկել է անմիջապես այդ երկու երկրների ղեկավարների հետ...

Նա նաեւ անդրադարձել է վարչապետ Նիկոլ Փաշինյանի եւ Ադրբեյջանի նախագահ Իլհամ Ալիևի հանդիպմանը...

«Ես գիտեմ, որ երկու առաջնորդները հանդիպում են ունեցել Մյունխենում, եւ մենք կշարունակենք առաջարկել Միացյալ Նահանգների օգնությունն ու աջակցությունը...

Մյունխենի անվտանգության համաժողովի շրջանակներում Հայաստանի վարչապետի եւ Ադրբեյջանի նախագահի հանդիպումը տեղի է ունեցել...

Քանի որ Հայաստանի վարչապետի եւ Ադրբեյջանի նախագահի հանդիպումը տեղի է ունեցել...

ԸՆԴԳԵՄ ԿԱԹՈՂԻԿՈՍԻ

Փետրվարի 24-ին Էջմիածնում նախատեսվում է իրականացնել հանրահավաք՝ ընդդեմ Ամենայն հայոց կաթողիկոս Գարեգին Երկրորդի: Հանրահավաքն իրականացնում է «Վարդանանք» շարժումը:

ArmLur.am-ը կապ հաստատեց Իտալիայի հայոց հոգեւոր հովիվ Հայր Ներսես Հարությունյանի հետ՝ հասկանալու համար՝ ինչպես է վերաբերվում այս իրավիճակին:

«Դա երբեք չի կարող ճիշտ լինել, որովհետեւ եկեղեցին այնպիսի կառույց է, որ ունի իր յուրահատուկ կանոնները, իր դրվածքները, եւ նման աշխարհական միջամտությունը բոլորովին անտեղի է եւ, վրասից, խառնակցությունից բացի, ուրիշ ոչնչի չի բերի:

Նրա կարծիքով՝ սա այնպիսի մի խումբ է, որը շատ կասկածելի կարող է լինել, որովհետեւ կարող է տարբեր կողմերով ուղղորդված լինել, եւ իրենք ժողովուրդ ներկայացնող չեն:

«Սա կարծես թե պրովոկացիա է, գուցե եւ շեղող նպատակներ ունի, բայց որ անօգուտ ու անիմաստ գործ է, ուրիշ այլ քննադատանք չեմ կարող ասել: Ուղղակի վիարավորական է, որ մի խումբ մարդիկ նման կառույցի դեմ են դուրս գալիս»:

ԻՐԱՎԻՃԱԿ

ՀՀ-ՖՐԱՆՍԻԱ

ՊԱՇՏՊԱՆԱԿԱՆ ԸՆԿԵՐՈՒԹՅՈՒՆՆԵՐ ԿԺԱՄԱՆԵՆ

ԵՄ-ՀԱՅԱՍՏԱՆ

Փոխվարչապետ Սիեր Գրիգորյանը մասնակցել է ԵՄ-Հայաստան քաղաքացիական հասարակության պլատֆորմի ամփոփիչ զեկույցի և կայքի ներկայացմանը...

Փոխվարչապետը հանդես է եկել ողջունելի խոսքով, որում մասնավորապես վերահաստատել է ՀՀ կառավարության պատրաստակամությունը քաղաքացիական պլատֆորմի հետ երկխոսությունը...

Սիեր Գրիգորյանը ներկայացրել է վերջերս Բրյուսելում կայացած ՀՀ-ԵՄ գործընկերության խորհրդի 5-րդ նիստի արդյունքները՝ Նշելով, որ ԵՄ-ն ողջունել է Հայաստանի և ընդլայնված գործընկերության համաձայնագրի (ՀԸԳՀ) իրականացմանն ուղղված Հայաստանի հանձնառությունը...

Փոխվարչապետ Սիեր Գրիգորյանը բարձր է գնահատել ԵՄ-Հայաստան քաղաքացիական հասարակության պլատֆորմի դերը Հայաստան-ԵՄ գործընկերության շարունակական խթանման հարցում և կարեւորել պլատֆորմի կողմից ներկայացվող զեկույցը՝ ընդգծելով, որ վերահանված խնդիրները հաշվի կառնվեն քաղաքացիականության հետ համատեղ աշխատանքներում մշտադիտարկման և հարողակցության մեխանիզմները կատարելագործելու գործընթացում:

«Հավատացած եմ, որ ՀԸԳՀ-ը պետք է մեր քաղաքացիների կողմից որպես իրենց սեփականություն դիտարկվի և այդ նպատակին հասնելու համար մենք պետք է համատեղ ջանքեր գործադրենք՝ շարունակելով կառուցողական երկխոսությունը և ավելացնելով հաշվետվողականության աստիճանը»,- Նշել է փոխվարչապետ Սիեր Գրիգորյանը:

Ամփոփելով խոսքը՝ փոխվարչապետը արդյունավետ քննարկումներ է մաղթել մասնակիցներին և պատասխանել ներկայներին հետաքրքրող հարցերին, որոնք վերաբերում էին ինչպես ՀԸԳՀ կիրարկմանը, այնպես էլ ոլորտային առանցքային բարեփոխումներին:

ԱՌԱՋԻՆ ԱՆՔԱՄ

Ֆրանսիայի պաշտպանության նախարար Սեբաստիան Լեկորնյուն կայցելի Հայաստան:

RTL ռադիոկայանին տված հարցազրույցում այս մասին հայտնել է Սեբաստիան Լեկորնյուն:

«Շուտով Հայաստան կգնամ խորհրդարանականներից և արդյունաբերական ոլորտի ներկայացուցիչներից բաղկացած մեծ պատվիրակությամբ»,- ասել է Լեկորնյուն: Նա նշել է, որ սա կլինի առաջին դեպքը, որ Ֆրանսիայի պաշտպանության նախարարն այցելում է Հայաստան: Նախարարը նաև ասել է, որ Ֆրանսիան բարեկամ Հայաստանին ռազմական տեխնիկա է տրամադրում բացառապես պաշտպանական նպատակների համար: «Հայաստանը մեզ համար բարեկամ երկիր է, որը բախվում է անվտանգային լուրջ խնդրի: Մեր պարտավորությունն է օգնել Հայաստանին, որպեսզի պաշտպանի իր տարածքային ամբողջականությունը»,- ասել է Լեկորնյուն:

Ֆրանսիայի դաշնային զինված ուժերի Սեբաստիան Լեկորնյուն Հայաստան է ժամանելու դաշնային զինված ուժերի մի ԵՄ առաջատար ընկերությունների ներկայացուցիչների հետ:

Այս մասին հայտնել է POLITICO-ն: Նշվում է, որ Հայաստան է ժամանելու MBDA, Nexter, Safran, Thales, Arqus և Lecornu ընկերության ներկայացուցիչները:

MBDA-ը հրթիռներ մշակող և արտադրող ընկերություն է: Հրթիռներ և հրթիռային համակարգեր է մատակարարում գինված ուժերի յուրաքանչյուր տեսակի համար (օդային, ծովային, ցամաքային): Արտադրում է 48 տիպի հրթիռ, եւս 15-ը մշակման փուլում է (AIM-132, Meteor, MICA, Aspide, Apache, Exocet և այլն):

Ֆրանսիական Nexter Systems ընկերությունը մասնագիտացած է զրահատեխնիկայի, հրետանային համակարգերի, զինամթերքի և հարակից սարքավորումների նախագծման, մշակման և արտադրության մեջ: Nexter Systems արտադրում է տանկեր, զրահատեխնիկա, հրետանային համակարգեր, հեռահար մարտական կայաններ, զենիթային համակարգեր և հակատանկային կառավարվող հրթիռներ:

Safran ընկերությունը հիմնականում գործում է օդատիեզերական, պաշտպանության և անվտանգության ոլորտներում: Safran-ը արտադրում է ավիացիոն շարժիչներ, ավիացիոն սարքավորումներ, օպտիկական-էլեկտրոնային համակարգեր, նավիգացիոն համակարգեր, հսկողության համակարգեր:

Thales ընկերությունը գործում է հիմնականում օդատիեզերական, պաշտպանության, անվտանգության և տրանսպորտի ոլորտներում: Thales-ը արտադրում է ավիատիեզերական համակարգեր, ռադարներ, էլեկտրոնային մարտական համակարգեր, հակահրթիռային պաշտպանության համակարգեր: Ընկերությունը նաև առաջարկում է լուծումներ կիբեռնանվագության ոլորտում:



Arqus ընկերությունը մասնագիտացած է անվավոր և թթուրավոր ռազմական տեխնիկայի նախագծման, մշակման և արտադրության, ինչպես նաև հարակից ծառայությունների մեջ: Arqus-ը նախագծում է արտադրում է մի շարք գրահապատ տրանսպորտային միջոցներ՝ ներառյալ հետեւակային մարտական մեքենաներ, զրահափոխարիչներ, հետախուզական մեքենաներ և ընդհանուր նշանակության գրահապատ տրանսպորտային միջոցներ:

Ավելի վաղ հայտնի էր դարձել, որ Ֆրանսիան փետրվարի 22-ին Հայաստան կառաքի պաշտպանական սպառազինության խմբաքանակ: Սպառազինությունը ներառում է Thales ընկերության Ground Master (GM 200) երեք ռադար, որոնք հնարավորություն կտան 250 կիլոմետր հեռավորության վրա հայտնաբերել հակառակորդի ինքնաթիռները, ինչպես նաև գիշերային տեսողության սարքեր, հեռադիտակներ:

ՍՈՍԱ ԳՐԻԳՈՐՅԱՆ

ԱՆՑՈՒՂՈՂ ՀՐԱՎԻՐԵԼ Ե ՀԱՅԱՍՏԱՆ

Փարիզում տեղի է ունեցել վարչապետ Նիկոլ Փաշինյանի հանդիպումը Ֆրանսիայի վարչապետ Գաբրիել Ատալի հետ:

Ինչպես տեղեկանում ենք ՀՀ վարչապետի աշխատակազմի տարածած հարողագրությունից, Ֆրանսիայի վարչապետը ողջունել է Նիկոլ Փաշինյանի այցը և ընդգծել իր գլխավորած կառավարության պատրաստակամությունը՝ հետեւողականորեն զարգացնելու համագործակցությունը Հայաստանի հետ:

Նիկոլ Փաշինյանը եւս մեկ անգամ շնորհավորել է Գաբրիել Ատալին վարչապետի պաշտոնը ստանձնելու առիթով և մաղթել հաջողություններ: Վարչապետը կարեւորել է Ֆրանսիայի կառավարության հետ տարբեր ոլորտներում փոխգործակցության խորացումն ու ընդլայնումը:

Մասնավորապես, գրուցակիցները քննարկել են առեւտրատնտեսական կապերի, շինարարության, ենթակառուցվածքների զարգացման, էներգետիկայի, ջրային ոլորտի կառավարման, զբոսաշրջության բնագավառներում գործակցությունը և համատեղ ծրագրերի իրականացմանը վերաբերող հարցերի լայն շրջանակ:

Վարչապետ Փաշինյանը կարեւորել է Ֆրանսիայի կառավարության աջակցությունը Հայաստանին՝ շուկաների դիվերսիֆիկացման, ինչպես նաև ստանդարտների ներդրման ուղղությամբ:

Նիկոլ Փաշինյանը Գաբրիել Ատալին պաշտոնական այցով հրավիրել է Հայաստան: Ֆրանսիայի վարչապետը հրավերը սիրով ընդունել է:

ՆՅՈՒՄՆՆԵՐԸ ԿԱՐԵՎՈՐ ԵՆ

Հայաստանի փոխվարչապետ Սիեր Գրիգորյանը մանրամասնել է, թե ինչ քարտեզներով է պետք առաջնորդվել Հայաստանի և Ադրբեյջանի սահմանների դեփիտացիայի գործընթացում:

«Ես վստահ եմ ինքներդ էլ գիտեք, թե դեփիտացիայի գործընթացը ինչ բարդ գործընթաց է: Նախ, քարտեզ ասելով մենք պետք է հասկանանք, որ խոսքը պետք է գնա բացառապես տոպոգրաֆիկ քարտեզների մասին, որոնք պրոֆեսիոնալ քարտեզներ են, որովհետեւ շատ մարդիկ սխեմատիկ, մեթոդական քարտեզները շփոթում են տոպոգրաֆիկ քարտեզների հետ, որոնք այլ որակ են այլ տրամաբանություն ունեն: Իրականության մեջ դեփիտացիայի գործընթացը միայն

քարտեզների հետ աշխատանքը չէ: Դեփիտացիայի գործընթացը նախ իրավական հենքի բացահայտումն է, որի վրա կազմվել է այս կամ այն քարտեզը: Ընդ որում ամեն մարմին չէ, որ իրավունք ունի կամ հորիզոնային միության ժամանակ իրավունք է ունեցել քարտեզ կազմել կամ քարտեզ տպագրել: Այս բոլոր նյութանյութերը, որոնց մասին ես խոսում եմ, շատ կարեւոր են և պետք է հասցեագրվեն մեր աշխատանքի ժամանակ»,- ասաց Գրիգորյանը:

Նա նշեց, որ Հայաստանի և Ադրբեյջանի սահմանազատման հանձնաժողովների հաջորդ հանդիպման ժամկետների վերաբերյալ պայմանավորվածություն դեռ չկա:

Մյուսխեսնում Գերմանիայի կանցլեր Օլաֆ Շոլցի միջնորդությամբ Ադրբեյջանի նախագահ Իլհամ Ալիևի հետ հանդիպումից հետո վարչապետ Նիկոլ Փաշինյանը հայտարարել էր, որ այդ հանդիպման ժամանակ պայմանավորվածություն է ձեռք բերվել առաջիկայում կազմակերպել երկու երկրների արտաքին գործերի նախարարների հանդիպում, ինչպես նաև հանդիպում փոխվարչապետների մակարդակով, որոնք գլխավորում են նաև երկու երկրների սահմանազատման հանձնաժողովները:

Ս. ԳՐԻԳՈՐՅԱՆ

ԻՐԱՎԱԿԱՆ

ՍՊԱՆՈՒԹՅՈՒՆ

ԵԹԵ ՈՍՏԻԿԱՆՆԵՐԸ «ՏԵՂՈՒՄ ԼԻՆԵԻՆ»

Փետրվարի 21-ին սպանություն է սեղի ունեցել Գեղարքունիքի մարզում: Այն սեղի չէր ունենա, եթե ՀՀ ներքին գործերի նախարարության ոստիկանության Վարդենիսի բաժնի քննակազմի հետախուզության և համայնքային ոստիկանության բաժանմունքի ծառայողները բաժնի ղեկ Մուստաֆայի Մուրադյանի գլխավորությամբ, սիրադեբեհն օդերասիվ իրավիճակին:



Ինչպես հայտնում է ֆոտոլրագրող Գագիկ Շամշյանը, ժամը 19:15-ի սահմաններում ՀՀ ներքին գործերի նախարարության ոստիկանության քրեական ոստիկանության գլխավոր վարչությունում օպերատիվ տեղեկություններ են ստացվել, որ Վարդենիսի բժշկական կենտրոն են տեղափոխվել 2 հոգի, ովքեր գտնվում են ծայրահեղ ծանր վիճակում:

Այս պահին ոստիկանության ստացած տեղեկությունների՝ նույն օրը, ժամը 18:30-ի սահմաններում, Արփունք-Փոքր Մասրիկ գյուղամիջյան ճանապարհին՝ Փոքր Մասրիկ գյուղի գերեզմանատան հարևանությամբ, տեղի է ունեցել վիճաբանություն եւ ծեծկռուտք, որին մասնակցել են Արփունք գյուղի բնակիչներ 45-ամյա Անդրանիկ Հովսեփյանը, Նուրա Բարսեղյանը՝ նույն գյուղի բնակիչներ 19-ամյա Սերգեյ Հովսեփյանը, 16-ամյա Ա. Հովսեփյանը, վիրավորներ Ա. եւ Վ. Լալայանները եւ Նուրա Բարսեղյանը՝ 34-ամյա Նուրա Լալայանը:

Վերջինս խոստովանել է կատարված հանցանքը:

Ոստիկաններ հայտնաբերել են նաեւ մասնակիցներից Ա. Հովսեփյանին, որն արդեն Վարդենիսի քննակազմի բաժնի է ներկայացրել ենթադրյալ հանցագործության գործիք հանդիսացող դանակը:

Քրեական ոստիկանությանից տեղեկությունը փոխանցում են ոստիկանության Գեղարքունիքի մարզային վարչություն եւ ոստիկանության Վարդենիսի բաժնի, որտեղից Վարդենիսի բժշկական կենտրոն է մեկնում ոստիկանության Վարդենիսի բաժնի օպերատիվ խումբը՝ օրվա պատասխանատու հերթապահի գլխավորությամբ:

Հիվանդանոցում բժիշկները նրանց հայտնում են, որ վիրավորները ի վիճակի չեն կատարվածի մասին բացատրություն տալ, քանի որ գտնվում են վիրահատարանում:

Ոստիկանները պարզել են, որ վիրավորներն են Փոքր Մասրիկ գյուղի բնակիչներ 41-ամյա Վասիլ Լալայանն ու 37-ամյա Արա Լալայանը:

Գ. Շամշյանի տեղեկություններով՝ վերջիններս հարազատ եղբայրներ են:

Կարճ ժամանակ անց Ա. Լալայանը հիվանդանոցում, գիտակցության չգալով, մահանում է, իսկ Վ. Լալայանին Վարդենիսի բժշկական կենտրոնում առաջին բուժօգնությունն են ցուցաբերում, ապա տեղափոխում Երեւանի ՀՀ պաշտպանության նախարարության «Մուրացան» հուսպիտալ:

Մինչ ոստիկանության Գեղարքունիքի մարզային վարչությունը՝ վարչության պետ Արթուր Ջիրաբյանի գլխավորությամբ, եւ ոստիկանության Վարդենիսի բաժնի ծառայողները՝ բաժնի պետ Ա. Մուրադյանի գլխավորությամբ, փորձում էին պարզել՝ որտեղ էին հանգամանքներում է տեղի ունեցել սպանությունը, օպերատիվորեն Գեղարքունիքի մարզ ժամանած ՀՀ ՆԳՆ ոստիկանության քրեական ոստիկանության գլխավոր վարչության ծառայողները պարզում են որոշ հանգամանքներ:

Նրանց միջեւ է տեղի ունեցել վիճաբանությունը, որի ընթացքում էլ, ըստ նախնական տեղեկությունների, Ա. Հովսեփյանը իր մոտ եղած դանակով հարվածներ է հասցրել Ա. եւ Վ. Լալայանների մարմնի տարբեր մասերին՝ պատճառելով մարմնական վնասվածքներ:

Հաջվի առնելով հանցագործության վտանգավորության աստիճանը՝ ժամանել է նաեւ Գեղարքունիքի մարզի դատախազ Ալվազյանը:

Ժամանել են նաեւ ՀՀ քննչական կոմիտեի Գեղարքունիքի մարզային քննչական վարչության խումբը՝ վարչության պետ Մարգարյանի գլխավորությամբ:

Դեպքի փաստով Գեղարքունիքի մարզային քննչական վարչության Վարդենիսի քննչական բաժնում նախաձեռնվել է քրեական վարույթ, եւ մինչ քննչական խումբը դեպքի վարչի գննություն էր կատարում, քրեական ոստիկանության գլխավոր վարչության ծառայողները հայտնաբերում են Ա. Հովսեփյանին եւ բերման ենթարկում ոստիկանության Վարդենիսի բաժնի:

Ֆոտոլրագրողի հետ զրույցում գյուղացիները, որոնք հրաժարվեցին ներկայանալ, ասում էին, որ մասնակիցների մեջ կա ՊՆ ծառայող, եւ այս սպանությունը տեղի չէր ունենա, եթե ոստիկանության Վարդենիսի բաժնի ծառայողները բաժնի պետի գլխավորությամբ, տեղում լինեին, մինչդեռ շատերը գիտեին, որ էս մարդկանց ջուրը մի ամբողջ չի գնում, ու այդ մասին իմացել է նաեւ Վարդենիսի ոստիկանությունը, ու եթե ոստիկանները լավ աշխատեին, կարող էին կանխել այս միջադեպը, մինչդեռ սպանությունը տեղի ունեցավ, նոր Վարդենիսի ոստիկանությունը թմբկաբեկ արթնացավ:

Շատուցում. ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

Ք. ՄԱՆՈՒԿՅԱՆ

ՆԱՆԱ

ԿԱՆՈՆՆԵՐԻ ԽԱԽՏԱՄԱՄԲ



Արցախի նախագահ Սամվել Շահրամանյանի թիկնազորի ձեռքակալված անդամի՝ Աշոտ Դանիելյանի բնակարանում երկվ իրավապահները խուզարկություն են իրականացրել:

Խուզարկությունը, ըստ Դանիելյանի պաշտպան Ռոման Երիցյանի, իրականացվել է դատավարական կանոնների կոպիտ խախտմամբ. «Ներկայացել են երեք տղամարդ, որոնցից մեկը գործով քննիչ է: Դանիելյանի կնոջը պարզաբանել են, որ պետք է իրականացնեն բնակարանի խուզարկություն: Նրանք բնակարանից դուրս են հրավիրել ընտանիքի բոլոր անդամներին եւ նրանց արգելել են ներկա գտնվելու խուզարկությանը: Դուրս են հրավիրել նաեւ բնակելի տան օրինական տիրապետողին՝ Աշոտ Դանիելյանի կնոջ հորը, եւ առանց բնակելի տան օրինական տիրապետողի, իրականացվել է խուզարկությունը»,- հայտնեց փաստաբան Երիցյանը:

Նրա խոսքով՝ խուզարկության եկածները, ի պատասխան Դանիելյանի անտրոջ պնդումների, թե ցանկանում է, որ խուզարկությանը ներկա գտնվի փաստաբան, հայտարարել են, որ թույլ չեն տալու փաստաբանի ներկայություն. «Այն պահին, որ ժամանել էմ, խուզարկությունն արդեն ավարտված էր: Հարցրել էմ՝ ինչու են արգելել բնակելի տան օրինական տիրապետողին ներկա գտնվել խուզարկությանը: Այս հարցին պատասխանել են, թե նա չի հանդիսանում բնակարանի օրինական տիրապետող այն դեպքում, երբ վերջինիս հետ կնքված է վարձակալության օրինական պայմանագիր եւ հանդիսանում է բնակարանի օրինական տիրապետող»: Խուզարկության ընթացքում քննչայանը հետաքրքրող որեւէ բան չի հայտնաբերվել. «Ընթացքում, ոչ թմբկաբեկ էմ հետ առնչություն ունեցող իր, օրինակ՝ գլանակ, կշեռք կամ այլ բան: Թերեւս հայտնաբերված եւ քննիչի համար կասկածելի միակ բանն այս կանաչավուն զանգվածն էր, որը նույնիսկ առանց փորձաքննության, հոտառությամբ եւ անզեն աչքով պարզ է, որ չորացրած կանաչի է՝ նանա: Ուրիշ ոչ մի բան չի հայտնաբերվել ու չի առգրավվել»:

Փաստաբանը հիշեցրեց, որ Դանիելյանի անձնական խուզարկությանը նույնպես քննությանը հետաքրքրող ոչինչ չի հայտնաբերվել, այդ թվում՝ մեքենայից. «Քննիչի կողմից մեզ համար անհայտ վայրից հայտնաբերված ինչ-որ դեղնականաչավուն զանգվածն էլ, ըստ փորձաքննության տվյալների՝ քաջը կազմում է 0,44 գրամ, որը բավարար չէ ոչ միայն անձին քրեական, այլեւ վարչական պատասխանատվության ենթարկելու համար»:

Ք. ՄԱՆՈՒԿՅԱՆ

ՔՐԵԱԿԱՆ

ԳՈՂՈՒԹՅՈՒՆ՝ «ՀԻՆ ԶՐՎԵԺ» ՌԵՍՏՈՐԱՆՏԻՑ

SHAMSHYAN.com-ի սեղույններում փետրվարի 19-ին առանձնադեպ խոսքը չափի գումարի գողության դեպք է սեղի ունեցել Կոսայի մարզում: Ժամը 10:00-ի սահմաններում ՀՀ ներքին գործերի նախարարության ոստիկանության Կոսայի բաժնի անհազանգ է սացվել, որ Ջրվեժ 17 փողոցում գործող «Հին Ջրվեժ» ռեստորանային համալիրում գողություն է սեղի ունեցել:

Ոստիկանության Կոսայի բաժնի օպերատիվ խումբը՝ օրվա պատասխանատու հերթապահի գլխավորությամբ:

Ժամանել են նաեւ Հայաստանի քննչական կոմիտեի Կոսայի մարզային քննչական վարչության Արթուրյանի քննչական բաժնի խումբը՝ օրվա պատասխանատու հերթապահ քննիչի գլխավորությամբ:

Տեղում ռեստորանային համալիրի տնօրեն ներկայացած 56-ամյա Մարգարիտ Բ.-ն ոստիկաններին եւ քննիչներին հայտնել է, որ նույն օրը՝ ժամը 01:30-ից

մինչեւ 09:30-ն ընկած ժամանակահատվածում, անհայտ անձը կամ անձինք բացել են ռեստորանային համալիրի հանդիսությունների սրահի այլամիսե պատուհանը, մտել ներս եւ դրամարկղի սրահից գողացել չիրկիզվող պահարանը:

Դեպքի փաստով Արթուրյանի քննչական բաժնում նախաձեռնվել է քրեական վարույթ, ռեստորանում էլ հայտնել են, որ գողացված «սեյֆում» եղել է մի քանի մլն դրամ:

Ք. ՄԱՆՈՒԿՅԱՆ

● Ըստ ոստիկանության տվյալների՝ փետրվարի 21-ից 22-ը Հայաստանի Հանրապետության ՆԳՆ ոստիկանության ստորաբաժանումները բացահայտել են հանցագործության 54 դեպք:

ՀԱՍԱՐԱԿՈՒԹՅՈՒՆ

ՄԱՐԶ

ՀԱՆՐԱՅԻՆ ԼՍՈՒՄՆԵՐ

Փետրվարի 29-ին Իջեան համայնքի Վազաշեն բնակավայրի վարչական դեկանի նստավայրում նշանակված են «Էյթի Գրուպ» ՍՊԸ-ի կողմից ներկայացված Վազաշենի ոսկի-բազմամետաղային հանքերեական տեղամասի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային քննարկումներ: Սա արդեն երկրորդ քննարկումն է Վազաշենում: Հայցվող տարածքը գտնվում է Վազաշեն գյուղից 1,5-1,6 կմ հարավ արևելք, երեւակման տարածքում առանձնացվում է Կարմիր քարի տեղամասը: «Էյթի Գրուպ» ՍՊԸ-ն հախատեսում է հետախուզումն իրականացնել երկրաբանական երթուղիների, մեխանիկական սյունակային հորանցքերի, հետախուզաառումների անցմամբ եւ նմուշարկման միջոցով: Ընկերությունը հավաստիացնում է, որ նախատեսված գործունեության ժամանակ բուսական եւ կենդանական աշխարհը չի տուժելու, տեղամասում հատուկ պահպանվող տարածքներ, սողանքներ չկան: 2019թ.-ին ընկերության ներկայացված հայտին բնապահպանության նախարարությունը բացասական եզրակացություն էր տվել: 2021թ. ընկերությունը նորից հայտ էր ներկայացրել, որով նախատեսվում էր հետախուզական աշխատանքներն իրականացնել 2020-2023թթ.-ին: 2023-ի սեպտեմբերին Իջեան համայնքի ղեկավար Արթուր Ճաղարյանին է դիմել «Էյթի Գրուպ» ՍՊԸ-ն, որին պատկանում է Վազաշենի ոսկի-բազմամետաղային հանքերեական տեղամասում երկրաբանահետախուզական աշխատանքների կատարման ընդերքօգտագործման իրավունքը: Գործող օրենսդրության համաձայն՝ Վազաշեն բնակավայրի վարչական սահմաններում ընդգրկված հողամասից 6,924հա մակերեսով տարածքը հատկացվել է ընկերությանը՝ կնքելով հողի սերվիտուտի պայմանագիր մեկ տարի ժամկետով, հետագայում այն երկարաձգելու հնարավորությամբ, օգտակար հանածոների արդյունահանման նպատակով երկրաբանական ուսումնասիրություն կատարելու համար: 2023թ. սեպտեմբերի 22-ին Իջեան համայնքի ավագանին որոշել է հավանություն տալ Վազաշեն բնակավայրի վարչական սահմաններում ընդգրկված 11-059-0146-0001 ծածկագրով հողամասից օգտակար հանածոների արդյունահանման նպատակով երկրաբանական ուսումնասիրություն կատարելու համար 6,924հա մակերեսով տարածք «Էյթի Գրուպ» ՍՊԸ-ին հատկացնելու՝ համայնքի ղեկավարի առաջարկությանը՝ երկարաձգելով հողի սերվիտուտի պայմանագիրը մինչև 2024թ.-ի մարտի 24-ը, հետագայում այն երկարաձգելու հնարավորությամբ: «Էյթի Գրուպ» ՍՊԸ-ն գրանցվել է 2019թ. նոյեմբերին, այն հիմնադրել են Տավուշի մարզի Գետահովիտ համայնքում հաշվառված Արմեն Բորիսի Չապուխյանն ու Արաբկիր համայնքում գրանցված Տիգրան Արամի Ավետիսյանը: 2012-2017թթ.-ին Վազաշենի ոսկու հանքավայրի տարածքում երկրաբանական ուսումնասիրություններ կատարելու թույլտվություն ունեցել է «Պլինետ կորպորացիա» հայ-կանադական ՅԶ-ն:

ՆՍԿՆ ՍՈՐՈՍՅԱՆ
Տավուշ

ՀԱՍԱԺՈՂՈՎ

«ՀԱՅ-ՀՆԴԿԱԿԱՆ ԵՐԿԻՈՍՈՒԹՅՈՒՆ»

Հնդկաստանի Հանրապետության արտաքին գործերի նախարարության հովանու ներքո գործող «Observer Research Foundation»-ի (ORF) հրավերով ՀՀ աշխատանքի եւ սոցիալական հարցերի նախարար Նարեկ Մկրտչյանը Նյու Դելիում մասնակցում է «Ռաիսինա երկխոսություն» (Raisina Dialogue) միջազգային համաժողովին, որին ներկա են Տարբեր երկրների բարձրաստիճանի պաշտոնյաներ՝ վարչապետներ, նախարարներ, միջազգային կազմակերպությունների ղեկավարներ եւ այլք:



Այս մասին հայտնում են ՀՀ ԱՄՅ նախարարությունից՝ ընդգծելով, որ միջոցառումը մեկ հարկի տակ է միավորում գլոբալ եւ տարածաշրջանային պետական եւ ոչ պետական դերակատարներին՝ հնարավորություն տալով ծավալել բազմակողմանի երկխոսություն եւ համագործակցություն: Համաժողովը մեկնարկել է «Հայ-ինդիական երկխոսություն» միջոցառմամբ, որի շրջանակում բացման ելույթով հանդես է եկել Նաեկ Մկրտչյանը: Ընդգծելով Հնդկաստանի հետ գործընկերային արդյունավետ հարաբերությունների կարեւորությունը՝ նախարարը խոսել է երկու երկրների միջեւ գործընկերության խթանման ուղղությամբ երկուստեք իրականացվող քայլերի մասին: Շեշտվել է, որ վերջին շրջանում Հնդկաստանի հետ հարաբերություններն ակտիվ զարգանում են, ինչը Հայաստանի արտաքին քաղաքականության առաջնահերթություններից է: «Հայաստանի եւ Հնդկաստանի միջեւ համագործակցությունը նոր թափ է ստացել մի շարք ոլորտներում, այդ թվում՝ առևտրի եւ տնտեսության, բարձր տեխնոլոգիաների, կրթության ու մշակույթի: Երկու ժողովուրդների միջեւ հնուց ի վեր առկա փոխադարձ հարգանքը եւ փոխկրթությունը նպաստում են միջմարդկային փոխանակումների ինտենսիվացմանը տարբեր բնագավառներում»,- նշել է նախարարը:

Անդրադառնալով աշխատանքային միգրացիայի ոլորտում իրականացվող բարեփոխումներին եւ առկա խնդիրների ուղղությամբ տարվող աշխատանքներին՝ Նարեկ Մկրտչյանը նշել է, որ իր ղեկավարվող նախարարության կողմից անհրաժեշտ մոտեցումներ են մշակվում՝ ապահովելու ոլորտի համապատասխան կանոնակարգումը: Նախարարը նաեւ խոսել է նախարարության կողմից 2022 թվականին ստորագրված Skill India-ի հետ փոխըմբռնման հուշագրից, որը վերապատրաստման եւ հմտությունների զարգացման հնարավորություն է նախատեսում: Նախարարն իր խոսքում կարեւորել է նաեւ արհեստական ինտելեկտի ոլորտում համագործակցության ներուժը եւ առաջարկել դիտարկել գլոբալ AI տրարարական հարթակի ստեղծման գաղա-

փարը՝ լուծումների եւ հետազոտությունների փոխանակումը հեշտացնելու, միջազգային համագործակցության միջոցով սոցիալական օգուտները խթանելու նպատակով: Ազգերի միջեւ խաղաղության, համագործակցության ու փոխադարձ հարգանքի դրսեւորման կարեւորության համատեքստում խոսվել է նաեւ «Խաղաղության խաչմերուկի» հայեցակարգի մասին եւ նշվել, որ անվտանգությունը, տնտեսական կայունությունը եւ երկրների զարգացումը պետք է դիտարկվեն որպես հավաքական գլոբալ պատասխանատվություն: Համաժողովի ընթացքում կազմակերպվել են նաեւ պանելային քննարկումներ, որոնց շրջանակում մասնակիցները քննարկել են Հայաստան-Հնդկաստան համագործակցությանն առնչվող մի շարք հարցեր:

ՆՍԿԿ ԱՐԱՍՅԱՆ

ԱՆՈՐԱԴՂՈՐԶ

«ԱՄԱՅԻ ՄԱՐԵՐԸ ՄԵՋ ՊԵՏՔ ԶԵՆ»

Աժ մարդու իրավունքների դաճառնության եւ հանրային հարցերի մեծական հանձնաժողովի՝ առթիվնաբար լիազորությունները դադարեցված նախագահ, անկուսակցական դասգամափոր Թադևոսի Թովմասյանը սոցցանցի իր էջում գրում է. «Աճանը հավաքած բերքի իրացման հարցը մոտ 5 ամիս է, դեռ ֆինանսում են կառավարությունում. հիշեցնում 7 օրից զարուն է:



խանատու գերատեսչությունների, մասնավորապես՝ ՀՀ Էկոնոմիկայի նախարարության եւ ՀՀ Գեղարքունիքի մարզպետի աշխատակազմի հետ»:

Շուտով սկսվելու են գարնանային գյուղատնտեսական աշխատանքները, իսկ ՀՀ կառավարությունում քննարկում են 2023-ին հավաքած բերքի իրացման հարցերը: Որքան եւ ինչպե՞ս պետք է սպասեն արդեն սահմանափակ դարձած Վարդենիսի բնակիչները. պատասխանում ոչինչ չի սպվում:

Կարող են միայն արձանագրել, որ ներկայիս կառավարության քաղաքականությունը, որն իրականացվում է սահմանափակ բնակավայրերի մասով, հակահայկական է, հակամարդկային եւ հակապետական:

Սահմանափակ բնակավայրերի բնակիչների խնդիրներն ավելացնելով՝ ՀՀ կառավարությունը նրանց ցույց է տալիս հայրենի տունը լքելու ճանապարհը: Իսկ հետո արդեն սցենարը պարզ է. դատարկ, ամայի, ծրուխտ սարերն ու բնակավայրերը մեզ պետք չեն, դրանք «դժբախտ ու դժգոյն են»:

Ն. ԱՐԱՍՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 7 պատահար. 1 մարդ զոհվել է, 9-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀՆԱՐԱՎՈՐՈՒԹՅՈՒՆ ԿԱ

ՀԱՆՑԱԳՈՐԾՈՒԹՅՈՒՆ Է ՉԻՈՍԵԼԸ

Հայերին Լեռնային Ղարաբաղ վերադարձնելու իրական հնարավորություն կա. այս մասին «Ազատություն» ռադիոկայանի հայկական ծառայությանը...



Վերացման մասին: Այս երկու ինքնաթիռները չեն կարող շփման կետ ունենալ: Ադրբեջանի կողմից այս, այսպես կոչված, ռեանաշիզմը նշանակում է մեր իրավունքների պաշտպանություն: Այս հարցի լուծումը հնարավոր է միայն այն դեպքում, եթե այն լինի գոնե մասամբ արդարացի: Գոյություն ունի միջազգային իրավունք, որը թույլ է տալիս հակամարտությունների արդյունքում տեղահանվածներին վերադառնալ իրենց տները: Ադրբեջանի ասում է՝ թող վերադառնան որպես Ադրբեջանի քաղաքացի: ԱՄՆ-ն բարձրացրել է նշանակը եւ ասում է. «Մենք այնպես կանենք, որ հայերի հետ ոչինչ չպատահի, երբ նրանք վերադառնան Լեռնային Ղարաբաղ»: Մենք մեր կողմից ասում ենք, որ լրացուցիչ մեխանիզմ է պետք: Կոչ ենք անում միջազգային երաշխիքների առկայության դեպքում հայերին հավաքական վերադարձնել», - պարզաբանել է Հայաստանի ԱԳՆ Նախկին ղեկավարը: Նրա խոսքով՝ հայերը կվերադառնան Լեռնային Ղարաբաղ, եթե լինի Լեռնային Ղարաբաղ-ԵԱՀԿ կամ Լեռնային Ղարաբաղ-ՄԱԿ մակարդակով համատեղ վարչակազմ, որը կարող է լինել անցումային եւ ժամանակավոր: «Այս ընթացքում Լեռնային Ղարաբաղի եւ Ադրբեջանի միջև տեղի կունենան բանակցություններ, որոնք արդյունքում...

նրանք կզան հայության ճակատագրի խնդրի լուծմանը: Ես չեմ խոսում ինքնավարության կարգավիճակի կամ այլ կարգավիճակի մասին: Թող ժողովուրդը ինքը որոշի դա ապագայում: Հայաստանի իշխանությունները պարտավոր են դա մտցնել իրենց օրակարգ, քանի որ հենց իրենց սխալների պատճառով են այս մարդիկ հայտնվել ստեղծված իրավիճակում: Նրանք սխալների արդյունքում կորել է Լեռնային Ղարաբաղը: Նրանք պարտավոր են նպաստել հայերի՝ Լեռնային Ղարաբաղ վերադարձի պահանջին: Եթե Հայաստանի իշխանություններն ավելի վաղ, ինչպես ասացի, բարձրացնեին Լեռնային Ղարաբաղի ինքնավար կարգավիճակի հարցը, ինչպես դա խորհրդային տարիներին էր, ապա այսօր իրավիճակն այլ կլիներ», - ասաց Օսկանյանը: Նա Հայաստանի իշխանություններին կոչ արեց լսել իրեն՝ վստահություն հայտնելով, որ միջազգային հանրությունը կաջակցի այս օրակարգին եւ Հայաստանի ու Ադրբեջանի միջև կայուն խաղաղությանը, հակառակ դեպքում իրավիճակն էլ ավելի կվատթափարանա: Նախկին Նախարարը պատրաստակամություն է հայտնել աշխատել իշխանությունների հետ միասին: ԷՄՄԱ ՄԻՔԱՅԵԼՅԱՆ

Team
ԲԱՑԱՌԻԿ ԾԱՌԱՅՈՒԹՅՈՒՆ
team TELECOM ARMENIA

Team Telecom Armenia-ի հեռախոսահամար գնելու համար այլևս պարտադիր չէ լինել Հայաստանում կամ մոտենալ մասնաճյուղ: Team-ը առաջինը Հայաստանում, թվային լուծումների շնորհիվ, բացառիկ հնարավորություն է տալիս My Team հավելվածի միջոցով գնել eSIM քարտ եւ ակտիվացնել այն աշխարհի ցանկացած կետից:

eSIM ստանալու համար պետք է ներբեռնել My Team հավելվածը, ընտրել eSIM ակտիվացնելու բաժինը, անցնել նույնականացում եւ ձեռք բերել կանխավճարային համակարգի հեռախոսահամար: Այս հնարավորությունից այժմ կարող են օգտվել միայն ՀՀ քաղաքացիները:

«Team Telecom Armenia-ն, կիրառելով նորարարական լուծումներ, շարունակում է մշակել այնպիսի ծառայություններ, որոնք թվային աշխարհը էլ ավելի մոտ են դարձնում բաժանորդներին: Մեր նոր բացառիկ ծառայությունը կօգնի Հայաստանի քաղաքացիներին մեկ հայումով ստանալ հայկական հեռախոսահամար: Այսինքն՝ անկախ նրանից՝ ճանապարհորդում եք, թե պարզապես գտնվում եք հեռավոր վայրում, որտեղից մասնաճյուղ մոտենալը դժվար է, մեր այս լուծումը երաշխավորում է, որ դուք միշտ կլինեք կապի մեջ», - ասում է Team Telecom Armenia-ի գլխավոր տնօրեն Հայկ Եսայանը:

eSIM թվային քարտը կարելի է ակտիվացնել բաժանորդի հեռախոսում, եթե այն ունի այդ տեխնոլոգիական հնարավորությունը:

My Team հավելվածը հասանելի է iOS եւ Android համակարգերում:

Տեղեկում Արմենիա ԲԲԸ-ն (այսրանքանիքը՝ Team Telecom Armenia) հայկական ընկերություն է, որը առաջատար դիրք է զբաղեցնում երկրի հեռահաղորդակցության ոլորտում: Հանդիսանալով Հայաստանում առաջին տեղեկում ցանցի ժառանգորդը՝ ընկերությունը ունի ոլորտում ծառայությունների մատուցման ավելի քան 100 տարվա պատմություն: Այս հարուստ փորձի եւ ժամանակակից տեխնոլոգիաների համադրության շնորհիվ՝ Team-ը հուսալի եւ նորարար ծառայություններ է տրամադրում թե՛ անհատ, թե՛ կորպորատիվ բաժանորդներին:

Հայաստանի բոլոր բնակիչներին բարձրորակ հեռահաղորդակցության ծառայությունների մատուցումը Team Telecom Armenia-ի նպատակն է: Դրան հասնելու համար ընկերությունն անընդհատ արդիականացնում ու վերազինում է բջջային եւ ֆիքսված ցանցերը, գործարկում նոր միջազգային կապուղիներ, որոնք նաեւ բարձրացնում են Հայաստանում ինտերնետի հուսալիության եւ անվտանգության մակարդակը:

ԿԵՐԿԱՐԱԶԳԻ

ՊԵՏԱԿԱՆ ԱՋԱԿՑՈՒԹՅԱՆ ԾՐԱԳԻՐ

Կառավարությունը մինչև 2025 թվականի հուլիսի 1-ը կեղարածգի Բնակարանների եւ անհասակն բնակելի սենի էներգաարդյունավեճ վերանորոգման աշխատանքների (ռեմոնտային) ողեսական աջակցության ծրագիրը:

Նախագիծն ընդգրկված է կառավարության փետրվարի 23-ի նիստում: «2022 թվականի հուլիսի 1-ից մեկնարկել է Բնակարանների եւ անհատական բնակելի տների էներգաարդյունավետ վերանորոգման աշխատանքների պետական աջակցության ծրագիրը, որով նախատեսվում էր շուրջ 2000 շահառուի տրամադրել ծրագրով ներգրավված վարկերի տոկոսների համար սուբսիդավորում: 2023թ. արդյունքներով շահառուների թիվն ավելի քան 7600 է, ինչն էլ իր հերթին խոսում է ծրագրից օգտվելու հարցում քաղաքացիների շահագրգռվածության մասին: Բացի այդ, ծրագրի հաջողված լինելու մասին է վկայում նաեւ տարածքային առումով համաչափ բաշխվածությունը: Ծրագրի ավարտը նախատեսված է 2024 թվականի հուլիսի 1-ին: 2023թ. դեկտեմբերի 8-ին ՀՀ վարչապետի կողմից ՀՀ տարածքային կառավարման եւ ենթակառուցվածքների նախարարությունում անցկացված խորհրդակցության շրջանակներում հանձնարարվել է նախաձեռնել համապատասխան իրավական ակտի ընդունում ծրագրի երկարաձգման նպատակով: Ծրագրի երկարաձգմամբ շահառուների...

թիվը կավելանա եւս շուրջ 3000-ով», - նշված է նախագծի հիմնավորման մեջ: Ծրագրի երկարաձգմամբ անհրաժեշտություն կառաջանա ՀՀ 2024 թվականի պետական բյուջեի ծախսերում կատարել համապատասխան փոփոխություններ եւ նախատեսված միջոցներն ավելացնել շուրջ 2000 նոր շահառուի համամասնությամբ: Այդ նպատակով անհրաժեշտ կլինի ՀՀ 2024 թվականի պետական բյուջեում իրականացնել համապատասխան վերաբաշխում ծրագրին հատկացնելով հավելյալ շուրջ 200 միլիոն դրամ, իսկ 2025 թվականի եւ հետագա տարիների համար հավելյալ անհրաժեշտ կլինի շուրջ 400 միլիոն դրամ: Է. ՄԻՔԱՅԵԼՅԱՆ

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄՇԱԿՈՒՅԹ

ԱՐՏԱՎԱՋՂ ՓԵԼԵՇՅԱՆ

ԺՈՂՈՎՐԴԱԿԱՆ ՄԵՐԸ ՉԻ ԼԶՈՒՄ ՆՐԱՆ

Մի՞րձամբ, գնահատված կինոռեժիսոր Արսավազ Փելեշյանի ֆիլմերը ցուցադրվում են աշխարհի տարբեր երկրներում, նրա սարածական մոնթաժի սեսուրները ուսումնասիրվում են ուսուցանվում է հեղինակավոր կինոինստիտուտներում, իսկ ժողովրդական սերը չի լինում նրան:


Փելեշյանը, որի «Սկիզբ», «Մարդկանց երկիրը», «Մենք», «Մեր դարը», «Կյանք», «Տարվա եղանակները» եւ այլ յուրահատուկ կինոնկարները հնարավորություն են տալիս բոլորովին այլ հայացքով նայել կյանքին, աշխարհին, փետրվարի 22-ին տոնում է ծննդյան 86-ամյակը:

Ռեժիսորը, որին պարբերաբար հնարավոր է տեսնել Երեւանի փողոցներում, մշակութային տարբեր միջոցառումների ընթացքում, չի սիրում հարցազրույցներ տալ, սակայն ելույթներից երբեմն չի հրաժարվում: Ամիսներ առաջ կինոռեժիսորը որոշ դրվագներ պատմեց իր կյանքից:

Ներկայացնում ենք նրա հիշողությունները:

«Շատ տարիներ առաջ ես ապրում էի «Արմենիա» հյուրանոցում: Մի երեկո գանգ պատվիրեցի, որ գրուցեմ Փարաջանովի հետ: Երկար գրուցեցինք, շատ հարցեր քննարկեցինք, անգամ բամբասեցինք ստուդիայի ղեկավարությունից: Խոսեցինք ավելի քան մեկ ժամ, եւ երբ անջատեցի հեռախոսը, անմիջապես գանգ եղավ: Փոստի աշխատակցուհին էր, ասաց, որ չի կարող վճար վերցնել, քանի որ իմ եւ Փարաջանովի գրույցի պես բան կյանքում չի լսել: Նա խնդրեց ծանոթանալ ինձ հետ եւ հաջորդ օրը եկավ հյուրանոց, որտեղ հանդիպեցինք: Մի առիթով էլ ասաց՝ եթե ցանկանամ գանգել արտերկիր, նա անվճար խոսելու հնարավորություն կտա: Ասացի, որ արտերկրի համարներ չունեմ», - պատմել էր Փելեշյանը:

Մի առիթով էլ ռեժիսորը գնացքով մեկնում է Մոսկվա: «Ուղեկցորդն ինձ ցույց տվեց իմ տեղը, հետո մոտեցավ ու հարցրեց՝ արդյոք նարդի պետք է, ասացի՝ ոչ, հետո կրկին եկավ ու հարցրեց՝ շախմատ պետք է, հետո ծածկոց առաջարկեց: Այդ ընթացքում դուրս էի գալիս միջանցք ծխելու, եւ ուղեկցորդն այնքան ուշադիր էր իմ հանդեպ, որ իմ կողքով անցնող մարդկանց խնդրում էր չաղմկել: Այդպես հասա Մոսկվա», - հիշել էր նա:



Ուղեկցության ավարտին ուղեկցորդն ու իր ընկերը, որը պարզվել է՝ ԱՄՏ-ում լուրջ պաշտոն է զբաղեցրել, ամբողջ ընթացքում փորձել են հասկանալ, թե որտեղ են տեսել Փելեշյանին:

«Դուք մեր կյանքը կերպք, վերջապես հիշեցինք, որ Ձեզ տեսել ենք «Մենք ենք, մեր սարերը» ֆիլմում», - Փելեշյանին հաջողություն մաղթելիս ասել են նրանք:

Արտավազ Փելեշյանն ուսանելու տարիներին նկարահանել է «Լեռնային պարտեզ» (1964), «Մարդկանց երկիրը» (1966), «Սկիզբը» (1967) վավերագրական ֆիլմերը, որոնք առանձնանում են ուրույն ոճով եւ կինոլեզվի թարմ արտահայտչամիջոցներով: 1969-ին Փելեշյանը նկարահանել է «Մենք» ֆիլմը, որը ստացել է Օբերհաուզենի միջազգային կինոփառատոնի պատվավոր դիպլոմ, որտեղ առաջին անգամ օգտագործել է «տարածական մոնտաժի» հիմնատարները: Նա նախընտրել է կարեւոր կարգից թողնել իրարից հեռու, որոնք հնչյունների ուղեկցությամբ հանդիսատեսի վրա ունենում են առավելագույն ներգործություն: Կինոռեժիսոր Սերգեյ

Փարաջանովը Փելեշյանին անվանել է «բացառիկ կինոահմանը»:

2021 թվականի Նյու Յորքի կինոփառատոնում (New York Film Festival-59) տեղի է ունեցել Փելեշյանի «Բնություն» ֆիլմի համաշխարհային փառատոնային պրեմիերան, իսկ 2022-ին նրա ֆիլմը ցուցադրվել է Նաեւ Հայաստանում:

«Բնությունը» Փելեշյանի՝ 1993 թվականին նկարահանած «Կյանք» ֆիլմից 27 տարի անց արված առաջին կինոնկարն է, որտեղ «Տարածական մոնտաժի» արքան վերստին անդրադարձել է բնության թեմային՝ օգտագործելով Բեթհովենի, Մոցարտի, Շոստակովիչի, Տերտրյանի, Տիգրան Համասյանի երաժշտությունը:

«...երկնքի աստղերի նման նա լուսավորում է մեզ անցյալից. նրա անցյալը լուսավորում է մեր ներկան: Ինձ համար Արտավազ Փելեշյանը մեր ժամանակից դուրս է...», - նշել է էքսպերիմենտալ վավերագրական ֆիլմերի ռեժիսոր Գրեգորի Ռեջջան:

ՀՈՒՐԻ ՔԱՂԱՍՏԱՐՅԱՆ

ՄԱՐԶԱԿԱՆ

ԿՈՉ՝ ՄՕԿ-ԻՆ

«Եվրոպացիները՝ հանուն Արցախի» շարժումը նամակ է հղել Միջազգային օլիմպիական կոմիտեի (ՄՕԿ) նախագահին՝ 2024 թ. Փարիզում կայանալիք ամառային օլիմպիական խաղերին Ադրբեջանին մասնակցությունից զրկելու վերաբերյալ, եւ կոչ է արել ՄՕԿ-ին կոնկրետ միջոցներ ձեռնարկել այդ երկրի մասնակցության դեմ:

Ինչպես տեղեկանում ենք շարժման տարածած հաղորդագրությունից, նամակն ուղարկվել է Նաեւ Ֆրանսիայի Հանրապետության նախագահին, Ֆրանսիայի ազգային օլիմպիական կոմիտեին, Ֆրանսիայի օլիմպիական խաղերի կազմկոմիտեին, Փարիզի քաղաքապետարանին, ինչպես նաեւ սպորտի, օլիմպիական ու պարօլիմպիկ խաղերի նախարարին:

Ելնելով ԼՂ ժողովրդի դեմ Ադրբեջանի կողմից իրականացված էթնիկ զտման փաստից՝ «Եվրոպացիները՝ հանուն Արցախի» շարժումը ՄՕԿ-ին կոչ է արել արգելել Ադրբեջանին որպես պետություն ներկայացված լինել գալիք Օլիմպիական խաղերում եւ թույլ տալ ադրբեջանցի մարզիկներին հանդես գալ միայն չեզոք դրոշի ներքո: Այս կոչը հնչել է ԼՂ-ում 2023 թվականի սեպտեմբերին Ադրբեջանի ցեղասպան քաղաքականության եւ էթնիկ զտումների հետեւանքով իրենց պապենական հողերից 120.000 հայերի բռնի տեղահանման պայմաններում:

Նամակին պատասխանել է միայն Ֆրանսիայի ազգային օլիմպիական կոմիտեի ղեկավարը իրավիճակը, եւ նկատել, որ իր դիրքորոշումը համահունչ է Ֆրանսիայի կառավարության դիրքորոշմանը եւ նրա դիվանագիտական ջանքերին՝ նշելով:

«Մենք չենք կարող անհաղորդ մնալ նման աղետի հանդեպ»:

«Եվրոպացիները հանուն Արցախի» շարժումն ակնկալում է Միջազգային օլիմպիական կոմիտեի հստակ դիրքորոշումը, քանի որ որեւէ քայլ չձեռնարկելը կխաթարի Օլիմպիական խաղերի ամբողջական նշանակությունը եւ ճանապարհի կհարթի ռազմատենչ պետությունների համար:

«Եվրոպացիները հանուն Արցախի» համաեվրոպական շարժում է, որը համախմբում է Եվրոպայի 15 երկրների հայկական համայնքների ներկայացուցչական մարմիններին: 2023թ. հուլիսին «Եվրոպացիները՝ հանուն Արցախի» շարժումը նախաձեռնել էր կոչ՝ ուղղված Եվրոպական խորհրդի, Եվրոպական հանձնաժողովի եւ Եվրոպական խորհրդարանի ղեկավարներին, ինչպես նաեւ Եվրոպայի խորհրդի անդամ պետությունների ղեկավարներին՝ ի աջակցություն ԼՂ հայ բնակչության: Այդ կոչը ստորագրել էին Եվրոպական ավելի քան 500 կազմակերպություններ:

Այս շարժման առաքելությունն է մոբիլիզացնել քաղաքացիներին եւ ձեռնարկել անհրաժեշտ գործողություններ՝ ապահովելու ԼՂ-ի հայության հիմնարար իրավունքների իրացումը եւ երաշխավորումը: «Եվրոպացիները՝ հանուն Արցախի» շարժումն այս առումով բարձրացնում է իրագրեցումը Եվրոպայի քաղաքական, սոցիալական եւ մշակութային ոլորտներում:

«ԵՐՎՃՏՈՒԹՅՈՒՆ՝ ՀԱՆՈՒՆ ԱՊԱԳԱՅԻ»

ԱՆՆԱԽԱԳԵՊ ԿՐԹԱԿԱՆ ՓՈՐՉԱՌՈՒԹՅՈՒՆ

«Երաժշտություն՝ հանուն աղաքային՝ մշակութային հիմնադրամի կրթաքաղաքականությունը փետրվարի 1-ից 16-ը Գուբայում մասնակցել են Մերձավոր Արեւելքի դասական երաժշտության ակադեմիայի (Middle East Classical Music Academy) եւ «InClassica» միջազգային փառատոնի օրհանգումներում կազմակերպված 66 վարդեսության դասերի, 5 դասախոսությունների եւ սեղանադրածական հանդիպումների հայտնի դրոժեստորների հետ, ունկնդրել են 16 դասական համերգ աշխարհի լավագույն նվագախմբերի եւ երաժիշկների մասնակցությամբ:

Վարպետության դասեր են անցկացրել հանրաճանաչ այնպիսի երաժիշտներ, ինչպիսիք են Ջուլիանո Մաջոկանտեն (Giuliano Mazzocante), Յե-Յանգ Քիմը (Hae-Young Kim), Էշլի Վասը (Ashley Wass), Ալեքսանդր Չաուշյանը (Alexander Chaushian), Մարկ Բուշկովը (Marc Bouchkov), Բեռլինի սիմֆոնիկ նվագախմբի (Berlin Symphony Orchestra) եւ Օքսֆորդի ֆիլհարմոնիկ նվագախմբի (Oxford Philharmonic Orchestra) կոնցերտմայստրները եւ ուրիշներ:

Այս կրթական փորձառության կարեւորագույն մասն են եղել «InClassica» փառատոնի համերգները, որոնք ընթացքում հանդես են եկել հանրահռչակ Բեռլինի

սիմֆոնիկ նվագախումբը (Berlin Symphony Orchestra), Օքսֆորդի ֆիլհարմոնիկ նվագախումբը (Oxford Philharmonic Orchestra), անվանի դիրիժորներ Մարիոս Պապադոպուլոսը (Marios Papadopoulos), Քրիստոֆ Պոպենը (Christoph Poppen), Լուկաս Մասիասը (Lucas Macias), ինչպես նաեւ հանրահռչակ արտիստներ, ինչպիսիք են Քամիլ Թոման (Camille Thomas), Մաքսիմ Վենգերովը (Maxim Vengerov), Ջի Ջին (Zee Zee), Մարկ Բուշկովը (Marc Bouchkov), Յոլ Ում Սանը (Yeol Eum Son), Ֆրանկ Բրալենը (Frank Braley) եւ այլք:

Հ. ՔԱՂԱՍՏԱՐՅԱՆ

● Փետրվարի 26-ին Կոմիտասի անվան կամերային երաժշտության տանը տեղի կունենա «Երգեհոնային երաժշտության համերգ»-ը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



ԿԱՐԳ

ՀԱՐՑ. Խնդրում եմ ասել՝ ինչ կարգով է որոշվում երեխայի ճակատագրի հայրությունը: Էմմա Հակոբյան (46 տարեկան)



ՊԱՏԱՍԽԱՆ. Հայտնում ենք, որ հայրության ճանաչման պետական գրանցման հիմքերն են՝

1) երեխայի ծննդյան պահին ամուսնության մեջ չգտնվող մոր եւ երեխայի նկատմամբ իրեն հայր ճանաչող անձի համատեղ հայտարարությունն առ այն, որ երեխան սերվել է հայտարարություն ներկայացնող անձից,

2) ՀՀ օրենքով նախատեսված դեպքերում մոր հետ ամուսնության մեջ չգտնվող՝ երեխայի նկատմամբ իրեն հայր ճանաչող անձի հայտարարությունն առ այն, որ երեխան սերվել է իրենից,

3) «Նոտարիատի մասին» օրենքով սահմանված կարգով նոտարի հաստատած իրավաբանական փաստի մասին նոտարական ակտը կամ դատարանի՝ օրինական ուժի մեջ մտած համապատասխան վճիռը:

Եթե երեխայի ծնունդը գրանցել է օտարերկրյա պետությունը, ապա հայրության ճանաչման պետական գրանցումը կարող է կատարվել Հայաստանի Հանրապետությունում, եթե այլ բան նախատեսված չէ Հայաստանի Հանրապետության միջազգային պայմանագրերով: Օտարերկրյա պետության գրանցած ծննդյան ակտային գրանցման հիման վրա կատարված հայրության ճանաչման պետական գրանցման դեպքում դիմողին տրամադրվում է հայրության ճանաչման վկայական, եւ կատարված հայրության ճանաչման պետական գրանցման մասին հաղորդվում է երեխայի ծննդի ակտային գրանցման վայր՝ Հայաստանի Հանրապետության միջազգային պայմանագրերով սահմանված կարգով:

ՀՀ արդարադատության նախարարություն

«ԺՈՂՎՈՒՐԳ». Հայրության որոշման պետական գրանցումը կատարում է գործակալությունը: Դիմումները գործակալություն են ներկայացվում էլեկտրոնային եղանակով կամ սպասարկման կենտրոնների միջոցով:

ՍՈՑԻԱԼԱԿԱՆ

ՀԱՐՑ. Ե՞րբ է իրականացվում հաճանդամություն ունեցող անձի վերափորձաբնությունը: Մելինա Ավագյան (50 տարեկան)



ՊԱՏԱՍԽԱՆ. Հաշմանդամ ճանաչված անձը կրկին բժշկասոցիալական փորձաքննության է ենթարկվում անձի կամ նրա ներկայացուցչի դիմումի հիման վրա կամ բժշկասոցիալական փորձաքննության ոլորտում իրավասու պետական մարմնի նախաձեռնությամբ: Անձի կամ նրա ներկայացուցչի դիմումով վերափորձաքննությունն իրականացվում է հաշմանդամության խմբի կամ «հաշմանդամ երեխա» կարգավիճակի համար սահմանված ժամկետը լրանալու, անձի առողջական վիճակը վատթարանալու կամ օրգանիզմի ֆունկցիայի վերականգնման, իսկ փորձաքննական որոշման համար հիմք հանդիսացող փաստաթղթերում կեղծիք հայտնաբերվելու կամ հաշմանդամության խմբի որոշման սահմանված կարգի խախտման դեպքերում՝ նաեւ բժշկասոցիալական փորձաքննության ոլորտում իրավասու պետական մարմնի նախաձեռնությամբ:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Օտարերկրյա պետության քաղաքացիները Հայաստանի Հանրապետությունում կարող են անցնել բժշկասոցիալական փորձաքննություն, եթե տվյալ պետության հետ Հայաստանի Հանրապետությունն ունի համապատասխան միջպետական պայմանագիր:

ԼՈՒՐ ԿԱԴՐ

Լուսանկարը՝ համացանցից



Սահմանափակ պատասխանատվությամբ ընկերություն, որ կասկածի տեղիք չի տալիս:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուկ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	0 - 3 0 + 5
☾	Կոտայքի լեռներ	0 - 3 0 + 4
☾	Կոտայքի նախալեռներ	+ 2 + 4 + 6 + 8
☾	Գեղարքունիք	0 - 3 0 + 4
☾	Լոռի	0 - 3 + 3 + 6
☾	Տավուշ	- 1 + 2 + 4 + 7
☾	Արագածոտնի լեռներ	0 - 3 0 + 3
☾	Արագածոտնի նախալեռներ	+ 1 + 4 + 6 + 10

☾	Արարատ	+ 5 + 7 + 10 + 12
☾	Արմավիր	+ 4 + 6 + 10 + 12
☾	Վայոց ձորի լեռներ	0 - 3 + 1 + 4
☾	Վայոց ձորի նախալեռներ	+ 5 + 7 + 9 + 12
☾	Սյունիքի հովիտներ	+ 2 + 5 + 7 + 11
☾	Սյունիքի նախալեռներ	0 - 3 + 3 + 6
☾	ԼՂՀ	0 - 3 + 4 + 6
☾	Երեւան	+ 3 + 5 + 7 + 10

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^Պ/3, հեռ.՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 22.2.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: